

Skupština Kantona Sarajevo  
Semir Halilović, zastupnik BPS-a

Zastupnička inicijativa za Ministarstvo unutrašnjih poslova KS  
Komisiji za sigurnost Skupštine KS na znanje preuzimanje zakonom propisanih  
mjera

Dokumentom broj 02/2-2-1-04-09-4455/13, komesar policije Kantona Sarajevo Vahid Čosić, na moj upit kao građanina gdje se nalaze fotografije lica mjesta, sa uviđaju dvostrukog političkog ubistva, obavjestio me je pismenim dopisom, koji Vam dostavljam u prilogu, da negativ fotografija lica mejsta, zavedenih pod brojem 174/93, nedostaju u arhivi MUP-a KS.

S obzirom da se radi o krivičnom djelu ubistva, koje Tužilaštvo BiH tretira kao političko ubistvo te pokušaj ubistva najviših državnih funkcionera BiH, pokrećem inicijativu da Ministarstvo unutrašnjih poslova KS, nadležni ministar i komesar, izvrše unutrašnju istragu i utvrde ko je i kada ukrao dokaze sa lica mjesta (negativne fotografija) a u vezi sa ovim dvostrukim ubistvom i trostrukim pokušajem ubistva.

Dokazni materijal se ne može izuzeti iz arhive MUP-a bez znanja i odobrenja nadležnih u MUP-u te tražim odgovor ko je radio na ovim poslovima, ko je tim licima bio prvi, a ko krajnji prepostavljeni, kada su negativi nestali, ko ih je izuzeo. Također tražim da se u vezi s ovim krivičnim djelom krađe dokaza ubistva, ispituju sva lica koja su sa ovim materijalom i odjelom imali dodir te da se otvorí istraga.

S poštovanjem,

Semir Halilović  
Zastupnik BPS-a u Skupštini KS

Sarajevo, 26.10.2016.

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SARAJEVO

Broj: 02/2-1-04-09-4455/13

Datum: 30.05.2013 godine

HALILOVIĆ SEMIR  
Uli. Derviša Numića broj 9  
Sarajevo

PREDMET: Halilović Mediha i Rondić Edin; obavljenost; dostavlja se.-

VEZA: Vaš dopis od 09.05.2013.godine;

U izazi Vašeg dopisa MUP-a Kantona Sarajevo u kojem se između ostalog zahtjeva i dostavljanje foto-dokumentacije sačinjene povodom događaja od 07.07.1993 godine kada su u stanu u ulici Trg Nesvrstanih broj 9/II, smrtno stradali Halilović Mediha i Rondić Edin, obavještavamo Vas da su izvršene provjere u evidencijama Odjeljena za kriminalističku tehniku, forenziku i KZD MUP-a Kantona Sarajevo gdje je konstatovano da foto-dokumentacija koja se odnosi na gore navedeni događaj nije uruđena iz objektivnih razloga.

Uvidom u evidenciju negativa Odjeljena za kriminalističku tehniku, forenziku i KZ za 1993 godinu konstatovano je da nedostaje negativ broj 174/93, koji se odnosi i događaj od 07.07.1993 godine, kada su u stanu u ulici Trg Nesvrstanih broj 9/II, smrtno stradali Halilović Mediha i Rondić Edin.

S poštovanjem,

POLICIJSKI KOMESAR  
Generalni inspektor policije  
Vahid Čosić